

Trahando duro pa trabou di construccin keda cla pa e waf di container na Barcadera

ORANJESTAD - Construccin di waf di container na Barcadera a cuminsa y ta den full swing. Tanto Aruba Ports Authority (APA) como ASTEC ta trahando duro pa e trabounan keda cla pa asina mudamento di e waf di container por tuma luga.

E proyecto aki ta uno di varios miyon florin, loke ta haci'e un di e inversionnan mas grandi di e aña aki. Segun informacion di Gobierno di Aruba na Bon Dia Aruba, e inversion aki no ta para riba su mes, pero tin un 'spin-off effect' economico masha grandi mes. Mas empleo, inversion den sector priva y tambe e ta yuda e consumo priva. Na momento cu e trabounan keda cla, Aruba ta bay tin un waf di container y carga cu e facilidadnan mas moderno cu tin. Segun gobierno, cu esaki Aruba ta fortifica su posicion di funcion di gateway pa loke



ta transporte di container den region. Un posicion masha bentahoso pa empresanan di nabegacion activo.

Beneficio crucero

Un otro beneficio di mudamento di e waf di container di Playa pa Barcadera ta cu esaki ta crea mas espacio pa barconan crucero por mara na Paardenbaaistraat. Algo cu ta un necesidad grandi mirando e cantidad di bapornan di carga como crucero cu ta mara tur dia den waf na Playa. Actualmente mayoria actividad ta tuma luga den curason

di Playa. Eynan tanto bapornan grandi ta baha nan carga como cruceronan gigante ta drenta waf. Literalmente por bisa cu nan ta den awa di otro. Expectativanan ta cu den e añanan nos dilanti tanto e sector crucero como esun di carga ta bay mira un crecimiento grandi. E crecimiento di carga ta encera mas tanto uno di traspaso, loke ta encera cu bapornan grandi ta baha nan carga, pone esaki den bapornan chikito cu por mara na wafnan chikito den region y for di eynan distribui nan.

Separacion

No ta di awor cu a trata na separa transporte di carga y di hende den dos area fisicamente distancia for di otro. E motibo cu esaki nunca a tuma luga tabata e gastonan haltu y retonan grandi mescos tambe aspectonan huridico. Despues cu a pone e base pa construccin di un waf di container na Barcadera y laga concentracion di

barconan crucero na Playa. Mudamento di e terminal di carga pa Barcadera ta un movencion den e direccion

positivo pa desaroyo di nos infraestructura. Sinonimo di e mudamento di e terminal di carga pa Barcadera ta implica construccin di e ringweg rond di Oranjestad.

“Esaki lo nifica mas flexibilidad den e plan di movilidad di Aruba y ademas lo elimina pegamento di trafico den combinacion cu Green Corridor. Nos ta bibando den temponan interesante”, minister Mike de Meza a bisa ora cu a anuncia e plannan di construccin di un waf di container na Barcadera.

Segun minister, e mudamento di waf di carga ta fortalece e iniciativanan pa establece un pilar economico cu lo hiba Aruba pa bira un Puerto comercial den e industrianan di conocimiento, tecnologia y servicionan unda e sector di energia berde local lo sirbi como catalisado di tur e iniciativanan aki participa den e crecimiento economico actual di Latino America. □